

## Հ Ա Շ Վ Ե Տ Վ ՈՒ Թ Յ ՈՒ Ն

**Հարկային մարմինների ներեվրոպական կազմակերպության կողմից կազմակերպված «Մարդակենտրոն ապագային պատրաստ կազմակերպության կառուցում» թեմայով համաժողովին մասնակցելու նպատակով 2024 թվականի հոկտեմբերի 28-ից նոյեմբերի 1-ը Հունգարիա (քաղաք Բուդապեշտ) գործուղման արդյունքների մասին**

### **1. Անունը, ազգանունը, զբաղեցրած պաշտոնը**

1) Աննա Ղազարյան, ՀՀ պետական եկամուտների կոմիտեի անձնակազմի կառավարման վարչության մրցույթների, վերապատրաստման կազմակերպման և վերլուծության բաժնի գլխավոր մասնագետ,

2) Քնարիկ Ղազարյան, ՀՀ պետական եկամուտների կոմիտեի անձնակազմի կառավարման վարչության մրցույթների, վերապատրաստման կազմակերպման և վերլուծության բաժնի գլխավոր մասնագետ:

### **2. Գործուղման վայրը և ժամկետները՝**

Հունգարիա, ք. Բուդապեշտ, 2024թ. հոկտեմբերի 28-ից նոյեմբերի 1-ը:

### **3. Հրավիրող կողմը՝**

Հարկային մարմինների ներեվրոպական կազմակերպություն (ՀՄԿ, IOTA):

### **4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝**

Գործուղման նպատակն էր մասնակցել Հարկային մարմինների ներեվրոպական կազմակերպության կողմից կազմակերպված «Մարդակենտրոն ապագային պատրաստ կազմակերպության կառուցում» թեմայով մարդկային ռեսուրսների կառավարման հերթական համաժողովին: Համաժողովը նվիրված էր հարկային մարմնում մարդակենտրոն, կորպորատիվ մշակույթի ձևավորման հիմնահարցին, մասնավորապես հարկային մարմնում այնպիսի սկզբունքների, արժեքների և ուղղվածության նպատակների ներդրմանը, որոնք կնպաստեն աշխատանքի արտադրողականությանը, աշխատողների մոտիվացիային, թիմային աշխատանքին՝ միաժամանակ բարձրացնելով հարկային մարմնի հեղինակությունը:

### **5. Քննարկված թեմաները՝**

Համաժողովի շրջանակներում անցակցվել են 7 լիագումար նիստեր, որոնց ընթացքում մանրամասն քննարկվել են հետևյալ թեմաները՝

- հարկային մարմնում կորպորատիվ արժեքների և մշակույթի ձևավորում և զարգացում,
- հաջողակ գործատուի բրենդավորում, բրենդավորման ռազմավարությունների մշակում,
- նոր ընդունված աշխատակիցների ադապտացիայի և մենթորության ծրագրերի մշակում,
- կարիերայի առաջխաղացման տարբեր փուլերում աշխատակիցների փորձի և ներգրավվածության բարելավմանն ուղղված միջոցառումների իրականացում,
- առաջնորդություն և փոփոխությունների կառավարում,
- արհեստական բանականության (AI) դերը և կիրառումը մարդկային ռեսուրսների կառավարման ոլորտում,
- գենդերային հավասարությանն ուղղված հնարավորությունները և մարտահրավերները և այլն:

## **6. Հանդիպումները, ելույթները, բարձրացված կամ քննարկված հարցերը՝**

Համաժողովի լիազույժար նիստերի ընթացքում 13 երկրների ներկայացուցիչներ հանդես են եկել շնորհանդեսներով՝ ներկայացնելով օրակարգում ընդգրկված թեմաների վերաբերյալ իրենց հարկային մարմինների մոտեցումները և փորձը: Յուրաքանչյուր շնորհանդեսին հաջորդել են հարց ու պատասխան ձևաչափով քննարկումները:

Բացի այդ, համաժողովի շրջանակներում անցկացվել են նաև 3 թեմատիկ խմբային քննարկումներ, որոնց ընթացքում առավել հանգամանորեն քննարկվել են օրակարգում ներառված հարցերը, իրավիճակային խնդիրները և դրանց ուղղված գործնական լուծումները: Նշված խմբային քննարկումներին ՀՀ պետական եկամուտների կոմիտեի անձնակազմի կառավարման վարչության ներկայացուցիչները ներկայացրել են նաև 2022 թվականից մեկնարկած օրենսդրական փոփոխությունների և հարկային վարչարարության բարեփոխումների ռազմավարության փոփոխության շրջանակներում հարկային ծառայողների ընդունելության, համալրման, վերապատրաստման, առաջխաղացման, գնահատման, կատարված աշխատանքի դիմաց արժանավայել վարձատրության նոր համակարգերի ներդրմանն ուղղված ՀՀ պետական եկամուտների կոմիտեի փորձը և առանձնահատկությունները, որոնք մեծ հետաքրքրություն են առաջացրել մասնակիցների շրջանում:

## **7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

Կարևորելով Հարկային մարմինների ներելրոպական կազմակերպության հետ շարունակական համագործակցությունը՝ համաժողովի ընթացքում ձեռք է բերվել բանավոր

այսպիսով կազմակերպելու աշխատանքային քննարկումներ նաև առցանց ձևաչափով, ինչպես նաև օգտվելու հարկային մարմինների համար նախատեսված վիրտուալ կրթական հարթակում (VITARA) առկա մասնագիտական ուսուցման դասընթացներից:

**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները՝**

Մարդկային ռեսուրսների կառավարման հերթական համաժողովի օրակարգը ձևավորելու, ինչպես նաև աշխատանքային քննարկումներ կազմակերպելու նպատակով մասնակիցներին առաջարկվել է այս համաժողովի վերաբերյալ հարցման շրջանակում ներկայացնել նաև հետագա քննարկումների համար նախընտրելի թեմաները:

Համաժողովին մասնակցությունը հնարավորություն ընձեռեց ՀՀ պետական եկամուտների կոմիտեի անձնակազմի կառավարման վարչության ներկայացուցիչներին ծանոթանալու առաջատար հարկային մարմինների անձնակազմի համալրման, կարողությունների շարունակական զարգացման և կառավարման, կորպորատիվ արժեքների և մշակույթի ձևավորման փորձին, ինչպես նաև մարդկային ռեսուրսների կառավարման ոլորտի զարգացման ժամանակակից միտումներին: Համաժողովի շրջանակներում Հարկային մարմինների ներեվրոպական կազմակերպության անդամ պետությունների հետ փորձի փոխանակումը և միջազգային լավագույն փորձի ուսումնասիրությունը կնպաստի մարդկային ռեսուրսների կառավարման ոլորտում ՀՀ պետական եկամուտների կոմիտեի գործառույթների արդյունավետության բարձրացմանը:

**9. Ստորագրությունը, ամսաթիվը**

Աննա Ղազարյան



Քնարիկ Ղազարյան



06.11.2024թ.